

۸۹ نومرو

برنجی سنه هر کون صبا حلی نشر اول نور انسا نیتہ خادم دینی سیاسی عثمانلی غزته سیدر



۸۹

ابونه فیثانی

ممالک عثمانیه ایله بلغارستان بوسنه

هرسک مصر ، قبریس

و کرید ایچون

سنه لک ۱۲۵۰ آلتی آیلغی ۷۰

عروشدر

استانبول ایچون سنه لکی ۱۰۸

عروش

فولک

اتحاد محمدی جمعیتک مروج افکاریدر

صاحب و مدیر مسئولی

قبریسلی درویش وحدتی

امور تحریریه ایچون مدیر مسئوله

مراجعت اول نور

آدره سی :

یره باتانده ساقی بک مطبعه سی

۱۷ مارت ۳۲۵ ۳۰ مارت ۱۹۰۹

صالی

۸ ربیع الاول ۱۳۲۷

دلیلمی استیورسکنز؟! جناب فخر رسل
(ع. م) مدینه منوره یی تشریف لارنده دهاهنوز
دایت اسلامیتده رئیس المنافقین اولان ابی بن
لولک تحت اداره سنده بولنان ویکونی اولدقجه
هم اولان زمرة منافقین اسلامیتک علیه
وله رق غایت ماهرانه وواسع بر مقیاسده ترتیب
یتدکلی حیل و دسائسک کافه سی نتیجه ده
ول قهار اولان جناب حقک سایه لطفنده
هپ کندی علیهارینه ظهور ایتدی. عاقبت
ردقاری قویه کندولری دوشدیلر. خلفای راشدین
زماننده هکذا، امویة، عباسیلر دورلرنده کذلک
هله بولنلردن عقبه قاضی نام منافقین بتون اسلاملرک
خاص و عامنجه مشهوردر. بو حکایه نکه عینی،
سلاطین عثمانیه نکه زمان سلطنتلرنده ده پک
چوق و قوعه کلشدر. الانده بوکی منافقینک
وجودی درجه احتمالده در. لکن ای معاشر
مؤمنین! امین اولیکز بوکی منافقلر هر نوقت
اولور ایسه اولسون هیچ بر شینه موفق اوله
ییه جقدر. دائما شریعت کندی باشلرینه چیوی
چاقه جق و کوزلرینی کوراید جکدر. اسلاملری
قرآنلرینی ترک ایله دینسزلکه سسوق ایتمه
چالیشانلر قهر اولوب قهر شریعت کرفتار اوله.
جقدر. ینه دلیلمی استیورسکنز! دلیل دکل، بشارت
اولسونکه هیچ بر مسلم تعالی دین ایچون سنه لرجه
کونلرجه دکل، بر ساعت، بر دقیقه بیله بذل مقدرت
ایتمدیکی حالده یوز بیکلرجه خلق مسلمان اولور
اغیار عمرلرینی تلف، بتون اقتدارلرینی ماللرینی بذل
ایتدکلی حالده ایکی کشی بی اضلاله موفق
اوله میور، ای اتحاد محمدی جمعی! دینمیزک علویته
بولندن بیوک دلیل، الی یوم القیام ابدی اولدیغنه
بولندن فضله بشارت نه استرسکنز؟ اسلام، منافق
روهندن آزاد اوله مز قابل دکلدر. سببی؟ چونکه
بودین جلیل برکدر، کل ایسه هیچ بروقت دیکنسز
اوله مز. اودیکنلر کله ضرر ویرمز. کلی نظر
اعتباردن اسقاط ایدمز. کل ینه کلدلر ینه
سویلمیدر. کل دینلنجه دیکن خاطره کلامک
قابل دکلدر. بناء علیه اسلام دینلنجه منافق
مراثلری تخطر ایتماک قابل دکلدر.

خلاصه ای جماعت موحدین! دینمیزی احیا
ایده جک بر قوت متصور دکلدر. مضطرب
اولیکز، کندیکیزی یکانه خادم شریعت و سالک
کافه احکام اسلامیت قیلکز، بتون دشمنلر، محاصملر
معارضلر، منافقلر اللهک لطفیه قهر اوله جغنه
ودولاب احتیاللری عاقبت کندی علیهارینه
دونه جکنه مطمئن و امین اولیکز. بزی خلاص
ایده جک شریعتدر. شریعتی کندی مزه رهبر
ایدینوب تقرقه یه دوشمه یه لم، قوی و متین اوله رق
حیل شریعت صاریله لم، اللهدن بشقه بر کیمسه دن
قورقما یه لم، منافقلر بزه بر ضرر ایراث ایدمز
اسلام نفاق ایله عادتاً توأمدر. چونکه بوش
اوده خرسز اولماز. ۱۶ لمارت ۳۲۵
اتحاد محمدی جمعی اعضاسندن
کرسی شیخ لردن عبدالرحیم

مشروطیت اعلان اولمه لی سکنز ماه اولدینی
حاله ممالک عثمانیه نکه هیچ بر طرفنده امور
نافعه و تجاریه یه دائر جدی بر تشبثاتده بولنلمیوب
یالکیز قونسر و تیاترو کی هوائی شیرله
اشتغال اولندی. اوروپا ایسه اوتهدن بری
عثمانیلری باخصوص مسلمانلری قابلیتسزلک!
ایله اتهام ایتدیکندن (اتحاد محمدی جمعی) ده
مسلمانلرک صنایع و تجارتده اوروپالیلر قدر
ترقی ایتمه مسنک اسبابی قابلیتمزلک اولمیوب
بالعکس استبدادک تأثیری اولدیغی بتون دنیا یه
اثبات ایتک ایسته یور.

جمله جه معلوم اولدینی اوزره فایقه لروشمندو.
فرلرک محسناتی بولندقلری نقطه یه، بولندقلری
منطقه یه عائددر. واپورلرک محسناتی ایسه هر طرفده
کوریه بیلور. حقوق دول قاعده سنجه ده منسوب
اولدینی دولتک سیار بر قطعه سندن معدوددر.
قرآن کریمده سیاحتک لزوم و منافعه دائر بر چوق
آیات کریمه وارددر. سیاحت مسلمانلر ایچون
عادتاً فرضدر.

وقتیله امت محمدیه جهانک هر طرفنه
سیاحت و تجارت و کسب ثروت ایدرلردی.
صوکره دن حقائق ضایع اولدقچه وایشلر

وضعیات حقیقه سندن چیققدقجه بولنلر و زومده
یواش یواش اونودلمغه یوز طوتمشدر. الحاصل
حقیقه مسلمان، حقیقه دیندار اولانلر یا شادقچه
چالشمغه، کار و کسب ایله مشغول اولمغه
وارزاق مقدره سنی جهانک اوزاق نقطه لرینه
کیدوب آرامغه و دنیانک هر طرفنده کی
مسلمانلرله مناسباتده بولمغه و دنیانک هر طرفنده
بنی نوعه قارشی اخلاق فاضله اسلامییه سیله
حسن مثال کوسترمکه و بو صورته دین مبین
اسلامی دنیانک هر طرفه نشر ایلکه مأمورددر
مجبوردر. بوده سیاحتله اولور. سیاحتده
اک بیوک، اک طبعی واسطه کیلردر، واپورلردر
ایشته (اتحاد محمدی) جمعی بو نقطه مهمه یی
بیلدیکی و اهمیت لائقه سیله تقدیر ایتدیکی ایچون
مسلمانلری سیاحت و بتون دنیا ایله مناسبات
تجاریه ده بولمغه تشویق ایتک اوزره (اتحاد
محمدی شرکت بحریه سی) نامی التئده بر
شرکت تشکیلنه قرار ویردی.

نظامنامه سی طبع و انظار عامه یه عرض
اولنجه یه قدر بو نظامنامه یه اساس اولان بعض
ماده لر جمله یه معلوم اولق ایچون بروجه آتی
نشر اولنور.

اتحاد محمدی شرکت بحریه سی

— درسمادته، اتحاد محمدی جمعیته کما
یه سی التئده بر آنویم شرکت بحریه سی تشکیل
اولنه جقدر.

— سرمایه شرکت شمیدلک بشیوز بیک
لیرادن عبارت اوله جقدر.

— شرکتک حصه سنداتی تبعه دولت
ایله بتون کره ارضده کی مسلمانلره مخصوص
واسم و شهرته محرردر.

— شرکت حصه داراننک نام و شهرتی
وحامل اولدینی حصه سنداتنک مقداری مبین
اولق اوزره لزومی قدر دفتر طوته جق و سنداتک
فراغ و انتقالاتی معاملاتک اشبه و دفترلره قید
اولنه جقدر.

— شرکتک حصه لری صرف ملک اولوب

اولاد و اخفاده و ورثه سائرہ یہ انتقال ایدر و بلا وارث وفات ایدنلرک حصہ لری جانب بیت الماله عاڈاولہ جقدر .

اتحاد محمدی شرکت بحریہ سی توانین عثمانیہ و نظامات بحریہ یہ متابعتہ مجبوردر .

— شرکتک استعداسنہ مربوطاً تقدیم اولنہ جق نظامنا مہ سنک تجارت و نافعہ نظارت جلیله سی طرفندن تصدیقنہ قدر حصہ سندلرینہ

طالب اولاجق ذوات کرام (اتحاد محمدی جمعیتک) مروج افکاری اولان وولقان غزہ تہ سی ادارہ خانہ سنہ مراجعت ایتلمیدرلر . خارجدن کوندریلہ جک مکتوبلر بو آدرسہ ارسال اولنمیدر .

— حصہ سندلری برلیرالق اولہ جقدر . ہر فرد ایستدیک قدر حصہ سنداتی آلہ بیلہ جکدر .

— حصہ آلانلرک ویرمش اولدینی پارہل ہر کون بانقہ یہ یاتیریلہ جقدر . وایرتسی کونی جمعیتک غزہ تہ سی ایلہ اعلان اولنہ جقدر .

— حصہ سندلری رغبت بولہ جق اولورسہ رغبتک وسع زمانی دائرہ سنندہ واپور مبايعہ ایدیلہ جکدر .

— تجارت و نافعہ نظارتندن شرکتک مغاملہ تصدیقیہ سی ختام بولنچہ یہ قدر حصہ آلق ارزو ایدنلرہ شرکتک مہر رسمیسیلہ موقت سند اعطا اولنہ جقدر .

— طشرہ دن اشتراک ارزو سنندہ بولنانلر مکتوبلر ندرہ اسم و شہرت ، محل اقامت و تابعیتلرینی مفصلاً درج ایتلمیدرلر .

— تجارت و نافعہ نظارتندن شرکتک معاملہ تصدیقیہ سی ختام بولدینی زمان غزہ تہ منزله اعلانی متعاقب ، اصل اسہام موقت سندات ایلہ مبادلہ ایدیلہ جکدر .

ومن الله التوفيق

بیوک اطہدن تلغرافامہ

افاضل سادات مسلمیندن صیادی زادہ السید ابو الہدی افندی دونکی کون روح پرفتوحلری علینہ پرواز ایدوب امثالہ لایق تجلیات و تکریمات ایلہ بشکطاشدہ بنا کردہ سی

اولان درکاک عالی صیادیدہ ودیمہ غفران رضوان اولمشلردر . مشار الہک ضیاعی دین مبین احمدیدہ وعالم عثمانیدہ بر ثلمہ عظیمہ وفاجمہ

الیمہدر . اوچیوزہ قریب اثار مفیدہ وتالیف عدیدہ سیلہ دین و ملتہ اولان خدمات خیرخواہانہ سی الی الابد مستوجب تقدیر ومدار افتخار و بویلہ بر ذات عالیقدرک فقدانندن طولابی دین ودولتی تغزیہ ایلرم . رحمۃ اللہ علیہ رحمۃ واسعہ

شام شریف علماسندن

ایوبی زادہ محمد توفیق وولقان

(اذکروا...) امر جلیلنہ اتباعاً شو تلغرافی درج صحیفہ ایتدک .

اتحادہ برنظر

ہیئت ضابطان — عثمانلی ضابطانی عثمانلی ضابطانی مجاہدین اخلافیدر ..

عثمانلی ضابطاننہ لازم اولان صفات و خصائلی نہ کالہ ایرمش آلمان ہیئت ضابطانک مسلککنندہ نہدہ اوصاف مادیہ ومعنویہ نی ہر ملتدن زیادہ کندیلرندہ

مزج وترکیب ایدن ہیئت اجتماعیہ لری حسیلہ بزہ متقا رب اولان زاپون امرای ضابطانندہ ونہدہ دور فتوحاتمزدہ کی قوماندانلر مرکز معیتندہ کی ارکانندہ

حتی صلاح الدینلرک فاتحلرک ، یاووزلرک مکتب تربیتندہ یتشمش ہیئت ضابطانندہ بیلرز . هیچ بریسنندہ بولہ میز . . .

بز ملت اسلامیہ شمعی ضابطلرمزدن بیوک ، بیوک ؛ اسلاملق ، شریعت نہ درجہدہ بیوکک امر ایدیورسہ او قدر بیوک ویتیشمش

ویتیشہ جک ہیئت ضابطان ایستہ ریز . . انتشار اسلامیتندہ کی مجاہدینک تکمیل مزایاسنی جامع ؛ رضاء الہیہ منقاد ، شریعتندن دہ

ذرہ قدر انحراف ایتیز ، برعظیم ہمت ، وعزم لایتزلزل ایلہ احکام مبین محمدی نی ملتک صفات وذاتندہ جمع ایتدیر مکہ اسلاف کرامک

واصل اولدینی منزلدن دہا متعالی براقصای شان افتحارہ قدمہادہ اولہ بیلہ جک مقدس مبجل بر ہیئت ضابطان ایستہ ریز . . چونکہ

مقصد من مقصد مقدسدر .. بز بتون دنیایہ قوۃ معنویہ واخلاقہ نک قوای مادیہ دن دہا بیوک موفقیتر نامین ایدہ جکینی

کوسترہ جکیز . . اوت شمعی بزہ استادلر ایدن اوروپا لیلرہ شریعت ودین قوتک نہ قدر بیوک اولدینقی البتہ بر کون کلہ جکدرہ اکلاتہ جغز .

اوت ؛ ضابطانز المانیانک ، زاپونیانک انتظام عسکریسنہ تعبیہ سنہ ، ماشہ وادارہ سنہ تمامیلہ آشنا اولہ جقدر . . اوت آز زمان

صوکرہ او معلم اردولرہ فائق اولدینغیزی کوسترہ جکیز . . اوت ؛ اسلام

اعظم سردارانک مفاخر وتراجم احوالی بیلہرک مجاہدین اسلافک مسالک مستقیملرینہ سالک اولہرق ما کدونیا و آناطولیدہ کی رنجبرلر .

مرکز قوای تجملیلہ لری واوصاف عسکریہ لری تقدیر ایدرک مقصد مزہ خطوہ خطوہ ایلر یلہ جکدر

جمعیت علمیہ وسیاسیہ مرکز سلاحلراچندہ بر ملت حالندہ مسلح ، منتظم ، عادل ، مدہش ، برظہیری اولہ جقتی . . . اوت بو حالہ کلمک ایچون ہیئت

ضابطان شمیدیلک ملتک مرپسی اولاجق عسکر لیکلہ برابر حقانیت وعدالتی بتون دنیایہ کوسترہ جکدر . بزہ کورہ خستہلق ، راحتسزاق ،

عائلہ ارتباطی ، معیشت بلاسی ، مجازات . اولوم تہلکہ لری ، فرق مخالفہ ، موانع مختلفہ بزہ کورہ ہیچدر . مقدراتہ قارشئ رضاوتوکلوتسلیممیزی

اعلان ایدیور . فقط اعزاز دین ، استعظام ناموس ، استصغار حیات استخفاف رتب ، وشہرت ، خط حرکتیزی تشکیل ایدیور .

اللہک غنایتیلہ هیچ بر مانع نزی مقصد مزدن جزئی انحراف ایتدیر میہ جکدر . . شریعت وعدالت یولیزی تأمین ایتمشدر . . بیورک

ارقداشلر ! یولمز دوغری واچقدر . . ۱۹ اغستوس ۱۳۲۴ — سناستر — عاشق مبتلای مسالک

ارکان حربیہ ممتاز یوبانیلرندن

اوکمزدہ کی صالی کونندہ قوعبولہ جق اجتماعز کیرو قالدینی ، علما افندیلرک زحمت بیور ماملری رجا اولنور . ۱۵ رت سنہ ۳۲۵

فاتح در سعاملر دن دیوریکلی قاضی زادہ

قبریسلی درویش وحنی احمد ساقی بک مطبعہ سنندہ طبع اولمشدر